



DS
793
S32
H7934
1782
v. 8

册	8
卷	8

重修襄垣縣志卷之八

知縣李廷芳編輯

藝文下

賦

唐

漳河躍鯉賦

唐元宗別駕時巡縣至襄垣渡漳河有赤鯉騰躍

潘炎

魚在在藻兮躍於中流吾君戾止兮樂我王遊惟赤
鯉之呈祥殊白鱗之入舟非竹箭之危湍無聞黠額
同君明之望幸非爲吞鈎豈其爲祥必河之鯉用表
皇族克繁帝祉雖云水物宜紫鼉綠鰲之同身是曰

元符亦赤鴈丹鳥之可比頽鱗耀彩碧水無波非應
瓠巴之清角何言寧戚之高歌周公之時躍於沼漢
宣之代舞於河且合符於圖牒宜入頌於猗邪豈徒
鏤甲葺鱗下沿上沂皆爲儔正文鯨是喻吐尙父之
兵鈴傳遠人之尺素匪琴高之所乘似相如之獻賦
國朝

三樹賦

少尹
汪聖孫

襄垣之中官署之內有古樹三株蔭綠扶疎團團如
蓋遮覆官舍其左一株居堂之東若蛟龍之盤旋右
一株居堂之西若虎豹之蹲踞前一株居堂之南若

鸞鳳之飛舞三樹參差布列成品枝枝互向葉葉交
迎真有天然之致也僕始抵署顧而樂之遂若爲忘
年交與之相處如善友嗣後或朝而徘徊或夕而偃
息或臨風把酒或對月哦吟晦明風雨形影相吊榮
枯相守於茲四閱春秋矣是僕一片冰心惟三樹能
識之三樹一種幽趣亦惟僕能會之知交旣深情詞
難已爰借斑管寫我素腸

繁華堂之幽深兮覩萬物以羣生惟退居之攝靜兮
抱一氣以恒存顧形影之獨立兮邀三樹以爲盟憐
魂夢之俱清兮喜日夕而相親惜流光之易遷兮感

芳凋而迭更當其斗柄東指春星戴寅柔風調暢遲
日融明乾坤色醉宇宙氣氤氲和德兮漸鬱鬱乘陽
亨兮彌森森吐綠秀兮發嫩萬散青葱兮滿喬林枝
頭嘒嘒兮黃鶯語林間關關兮倉庚鳴官署於焉非
昔書齋倏爾亦新爾廼重蔭叠錯繁柯縱橫鶉星不
照離威勿勝亦符忘其丙節夏失其炎蒸擬翡翠
兮蒼色似鱗甲兮碧文書兮靜好展枕簟兮涼
生斯時也樹下迎風窓前寄傲效陶公之足跂傲邊
子之腹便其樂已極又何必進冰桃陳雪藕倚七松
生五柳始爲愉快也哉夫何時窮則變物滿而虛殘

暑迴轅金颺返旆驚一葉之乍飛嘆羣蓬之俱下沉
沉兮黯色漠漠兮秋容鶴鳴兮天際雁叫兮長空銀
缸兮明滅皓魄兮西東望影兮寂歷側耳兮悲風登
樓兮傷切撫景兮憂忡至有形雲起湧朔颯怒吹瓊
霰零亂瑤絮披離虬枝傳粉勁質凝脂悟紛華之不
久念貞堅之可持開壺觴以獨酌對玉樹而賦詩渺
吾身之一粟曠天地以何期歌曰兩儀旣判兮三才
彰星辰覆照兮三台煌德言功兮余懷望處松檜之
下兮奚悲傷賦形體之委拙兮母憂伐取乎棟梁春
春秋秋守堅節以含真兮又安羨乎一朝之浮香

虎祁宮賦

以平公圖霸競
勝章臺爲韻

邑人李洛

維霸運之復啟思創造以爭榮據上黨之形勢建離
宮以娛情壯麗其觀彷彿阿房之幽折魏煥其制依
稀章臺之渾成當羣雄而角立依周原以稱平蓋自
王迹熄周轍東稱五霸號七雄南楚之賜弓不果北
冀之依汴營宮經之營之前倣靈臺之矩度丹爾堊
爾後越銅雀之精工礬鼓則大其巨響役匠則敬爾
在公當是時也開山不必五丁居然白蜀而通楚庀
材何需句踐宛似由越以通吳昭一國之景運留千
秋之霸圖嗣是而丹雘其角多於南畝之禾麻築度

其聲過於市人之謳啞輩飛鳥革似崗巒之體勢忽
簸而忽揚松茂竹苞比嶙峋之奇形隨高而隨下釘
頭與瓦縫齊輝人傑得地靈稱霸迨夫鴻工落成殊
方供命清商迭奏驚元鶴之飛鳴師曠安絃嘆妖能
之順令雲興膚寸籠紫巖而鬣鬣流暉雨遍崇朝被
赤狄而歡騰無競總由歷山聳翠毓秀不窮漳水環
包鍾靈有定寧王定鼎慕其險而每欲建都契丹停
驂愛其華而不思返脛近收冀野之賢遠駕吳城之
勝嗟乎老成如昨往事綿長野史稗官倍資文獻之
足流風遺澤豈作禾黍之傷茫茫若碩果之寄昭昭

似銀漢之章乃爲之歌曰背

神京兮震八垓面行山兮斗杓迴左漁陽兮右蒲坂前
玉珏兮後五臺雲山北向兮拱

天王之御宇奠

國祚於奕禩兮又何患乎風雨之西來

漳江春渡賦

以思樂泮水薄采其芹爲韻

邑人

姚敬

青陽布令勾芒御曦春光明媚物采新奇布韶景之
鮮妍自融碧沼激清流之澹蕩正值芳時旣仰韓山
以寓目復臨漳水而興思溯其源也一出於伏牛之
山一湧於發鳩之壑兩派合淙下尋繞郭寶峯下映

翻疊嶂以深澗，甘水斜分蹴晴波。而綽約風吹河畔，
芳草青青雨灑渡頭。天桃灼灼足披狂士之襟，堪暢
知者之樂。况乎繡野新耕，素冰始泮，日浮碧岸，遙連
獅嶺，雄威烟瑣，紅堤近浥涼樓。勝觀盼河楊之蔚茂，
無殊衛竹猗猗瞻岸芷之芬芳。何異鄭蘭渙渙，彼厲
揭兮就淺，深欲溯洞兮偕童冠。爾乃招同人臨江，
風聲共鶴唳以偕來，川色對花容而並美。蘭漿競渡，
無非拾翠佳人；棹橫江盡，是遊春公子。伊可懷也。景
物悠然，靜言思之，情形乃爾。無何輕雲乍收，殘陽已
薄。迴塘水際，遊魚躍出；娑娑弱柳，枝頭飛鳥歸來棲。

落乘夜月以遨遊隨波流而泛艤快把酒以臨風發
欵歌而交作嗚乎韓地依然漳江不改虎祁沒於寺
蕪銅鞮遷於滄海市橋之義士莫追仙堂之高隱安
在能不令我心悠悠切蒹葭之采采也哉乃爲之歌
曰漳水兮漣漪當春渡兮雨淒其渺渺兮予懷望美
人兮天之涯又歌曰襟帶韓州秀色氛臨流猶憶舊
時聞弄珠遺佩人何在持贈殷殷獻一芹
歌

唐

鄭櫻桃歌

櫻桃石季龍弄兒
錄此作後幸傳云

李頎

石季龍僭天祿擅雄豪美人姓鄭名櫻桃櫻桃美顏
香且澤娥娥侍寢專容掖進庭捲衣三萬人翠眉清
鏡不得親官軍女技十千匹繁光照耀漳河春織成
花映紅綸巾紅旗掣曳鹵簿新鳴驂走馬接飛鳥銅
馱琴瑟隨去塵鳳陽重門如意館百尺金梯倚銀漢
自言富貴不可量女爲公主男爲王赤花雙簾珊瑚
牀盤龍斗帳琥珀光滛昏僞妄神所惡滅石諸陵終
不悟鄴城蒼蒼白露微世事反覆黃雲飛

故絳行

杜頤

君不見銅鞮觀數里地池已蕪漫君不見虎祁宮幾

重臺榭亦微濛介馬兵車全盛時歌童舞女妖豔姿
一代繁華皆共絕九原惟望塚累累

宋

薄酒醜婦歌

黃庭堅

薄酒可與忘憂醜婦可與白頭徐行不必駟馬稱身
不必狐裘無禍不必要福甘飧不必食肉富貴於我
如浮雲小者譴訶大戮辱一身畏首復畏尾門多賓
客飽童僕美物必甚惡厚味生五兵匹夫懷璧死百
鬼瞰高明醜婦千秋萬載同室萬金良藥不如無疾
薄酒一談一笑勝茶萬里封侯不如還家

薄酒終勝飲茶醜婦不是無家醇醪養牛等刀鋸深
山大澤生龍蛇秦時東陵千戶食何如青門五色瓠
傳呼鼓吹引部曲何如春雨一池蛙性剛太傳促和
藥何如羊裘釣烟沙綺席象床彫玉枕重門夜鼓不
停槌何如一身無四壁滿船明月卧蘆花吾聞食人
之肉可隨以鞭扑之戮乘人之車可加以鈇鉞之誅
不如薄酒醉眠牛背上醜婦自能搔背痒

樂府

明

豫國士

李東陽

漆爲牆炭爲啞彼國士何爲者趙家飲器智家頭一
日事作千年讐報君讐爲君死斬讐之衣讐魂褫臣
身則亡心已矣

漢壽侯

李東陽

漢壽侯義且武冠三軍振華夏斬讐將報知者身不
可留臣有主老瞞不足追猶有度誰其讐者吳陸呂
歲十二月侯出走吳人縛侯生縛虎死猶怒
髯如虬眼如炬吁嗟溪乎天不祚有馬不踐中原土
侯身雖亡神萬古

鹿臺山

上有文王廟

邑人

劉夢

鹿臺峭崿高如許未及山腰日亭午王儁河水秋不
深山下人家俗猶古草屋無人不閉門野場積穀如
環堵羣雞得食喧爭鳴孤鶴穿林飛且舞登臺入廟
心反傷鬼像神軀意何覩朱門金扉漸草萊秘帳靈
衣盡塵土側聞我王曾治岐此地胡爲建神宇無乃
戡黎駐羽旄至今血食陳尊俎聖母同堂饗未安尚
父雖尊安可伍庸庸鄙見何足嗤伏臘壺漿竟誰主
蕭蕭風木同悲號惻惻雲山互吞吐十年懷渴今始
來得共賢侯登廟廡賢侯竒偏中州英萬斛才輩腹
中取况復民歌德政成蕩蕩春風沛甘雨莫訝牛刀

戲割雞武城言偃曾知魯歸來明月仰在天靜聽南樓時二鼓

紫巖山歌

泰和歐陽雲

混元崛起雄三晉上干女虛纏彩應靈氣蜿蜒宿冀
寧盤踞煥彩擅形勝南白澤來跨潞東轉北折西美
無盡茸葱霞絢映六府銅鞮宮號虎亭鎮兌宮主管
白藏神坤維演出龍蛇陣旣如拱揖欲將迎又若端
詳求定靜風藏水聚氣凝結綰綺嵌繡精神發山容
至此頓殊姿非赭非頰惟紫色初疑紫蓋覆龍庭又
疑紫鷲狎旁魄石疑運自紫河車泉疑紫水竹草湯

香爐日照生紫烟紫闥排開襯紫綿沁水自西漳水
南合流襟帶紫嶺旣太原東畔羣峯疊奔虹駐駟互
倚伏躩踞虎默咆哮蚘蟊潜虬謝蹠跼祥霄吞吐
玉繩低瑞靄去來銅關簇茁非蓀蕪乃賓連產不離
奇還若木銜印端能厯葵靄捲旂猶可招猿鹿捫天
倚日圍玉界點秀飄華封鬢鍵九曲河流漢神珠天
吳吉良交澎湃耳奏溇泠徹三高眸增浩蕩恢恢
表裏山河百二強俯視須彌容一芥草號逍遙鋪碧
落樹自丹青遙相若黑陽鬱燠避簷龕丹邱杳眇迷
垠塲紫塢山輸鐵鯉遊紫恒山泛金鳧躍紫花魏圃

慚織葱珍果陳家紫下風紫地堆白閭崑岑櫛慘不
說紫髯翁大彭小彭讓積瑤肯使小雄大雄嶠歸然
標準軋山右紫珥富媼貫招搖我聞山色紫獨珍
然艷爾難其倫不然象緯在天獨尊紫薇垣洪宮范
地見寶紫石英溟滓滌盡舞山香朝霏夕薤護秘藏
懸知大塊寓深屬金膏玉檢那能常紫虛降勅地仙
駐半千運數真殊遇毓成雋壘白巖中巖中紫氣留
中聚赤鱗啣玉築塏垣元鳥駭材造拱柱忠孝兩字
承標纓蚤是靈椿紫橐署生公豈是碣磔垓日如紫
電燿琪樹齡齡不帶紫羅囊紫案青編森武庫筆端

飛出紫金蛇紫府苔萋偃旒旌上苑花探紅開紫翔
麟獨跨紫陌裏紫界宮牆切大蓬取青紫如拾芥爾
香浮紫褥講金華紫毫鉅傍紫薇花紫宸日麗西崑
局紫泥封降渥恩加祗今酌斗冠南都紫金山下建
高牙竚登紫閣赭袍依滿朝朱紫豔籠紗軒然奪盡
紫巖春巖春豈直公一身紫荆樓前薦花萼紫芝階
下粲寧馨填門佳絕付雕鐫蟬聯彷彿巖連蹕詞華
藻綴巖競秀望俄日磊巖具瞻人道地靈足材爾我
道人堪致地重康瓠詎堪盛豹胎流沙端合出龍種
君不見亭紫薇閬中魁宿參井齊又不見山紫陽元

晦道學日爭光峭無今古無南北此理奚須訛蒼黃
紫袋瓊琴贈宰弼染指巖彩無雙翼商顏不歌爛醒
紫神往并汾費菟繹爲公翻作紫巖調吹向紫鸞脣
嘹嘒嘹嘒引至萼綠華逸興遄飛便欲遡紫極

棲雲庵碧沙亭歌

開州王懷

拋却紅塵一笑上山來巉巖石壁如花向天開百聲
八聲鍾自五更轉一韻二韻猿從半夜哀千片萬片
白雲歸碧落兩條三條藍線鎖瑤臺我欲醉眠岸水
慚歸去恐惹遊僧不免動懷

甘露凝麻歌

楊旦

豈不聞名儒崛起漢唐中三星奎聚昭文風郊廟以
鳳不世出真與氣運相衰隆晉陽形勢天下絕水秀
山靈毓人傑元城後裔磊落才少年唾手魁藩臬朝
來射策金門裏白簡藍袍荷君賜瓊林宴罷馬如龍
長安爭羨誰家子風雲適際明良期臯夔事業君敷
施文治精華已先見神漿降瑞如凝脂我知神漿因
有靈不落凡花野草莖歲寒有樹翠如蓋流珠凝帶
夫子庭夫子綱常燦如日千載絃歌重魯壁君今一
出吾道昌甘露呈祥豈他適我亦登名君榜後折彼
松花爲君壽願言副此甘露歌只有奎星萬古傳不

朽

國朝

丙戌秋穀秀四穗歌贈袁堂臺

三韓

楊彬

聖代掄才屏井疆不務繭絲務保障邑殘民疲試諸艱君
來予惠推無尙虞弦揮手尊卑父慈野明雲盡腹鼓
泣政揚輝三載期窮谷蒼黎歌樂土以茲名杜口碑
宣桑麻萬井頌民天旭日薰風翔四境擊壤犁鋤遊
舜年琴臺一片清如許月湛冰波曷勝紀卽君徒步
禱雲壇仁心敷作村村雨堂上輕筇渾不試重輸國
賦民爭致吏人寂寂定院門

蠟燭晰編氓膏澤雄呼代岳聲
狴狴虛空民安堵正
如秋月冷三更我聞盛德善感人
驚看罷俗亦還醇
朝听夜月牽鳴犢機白西廊東壁
讀風風雨雨及時
優大地青黃黍覆屋從來民心關
天意天意信君在
民事憶昔漁陽誇兩岐芄芄四穗
今奇異唯君之廉
能燭天德化洋洋呈

國瑞環橋色笑慶珠璣山城斜日
動祥暉但願茂蹟騰
政府徵書旋予豸繡衣

登紫巖寶峯

有無梁樓

忻州

張星祥

倚紫巖之寶峯插清冥而上浮披
榛扳石蹬直上寶

峯峯上遊仙嶠凌空懸日月峻嶺崇崗莫與儔俯視
漳江如一帶廻環盤踞古韓州寒光映奎壁紫氣
斗牛壯志超升有覺殿曠懷高寄無梁樓忽遇緇流
有異客心通墳典探邱索相邀同坐復烹茶看破塵
緣爲余白人生天地等蜉蝣石火電光相逼切世事
紛紛日夜忙機謀盡是前生厄金氣西行大火流松
風羅月冷颼颼雁落青霄排行陣蟬鳴黃葉響簌簌
說罷山頭發浩歌手敲木盂口吟哦搖頭杖策回禪
院態度儼然似達摩我聞僧說法消我古今憂憑虛
發空叫已矣復何求賣珠主第成新貴種瓜青門本

侯爲郎顏駟終難遇罷相香山得自由仲連避世
歸東海君平賣卜隱梁州用里商山食芝草子陵灘
頭持釣鉤歲月無今亦無古何知三春與九秋但得
衣荷躡蹻從爾往日日共坐寶峯之峯頭

挽趙烈婦

東魯
孫雲鵬

古來韓城多義士烈婦從風心自良予適淹留在此
居幸見烈婦快心腸芳魂杳杳竟何方或結瑚璉兮
列廟廊或凝璫璵兮珍世藏或化麟鳳兮呈世祥或
融玉露兮和瓊漿烈婦烈婦兮邦家光

秋日過五音山謁魏孝文廟

舊傳魏文帝幸此陰
霾五日慕容赤土割

心祭之天日復明俗謂之神頭山事詳姚叅政碑記

郭倬

秋山垠堦連高雲秋鳴招呼如不聞獨憶魏朝拓跋

帝衣冠劍珮壓南軍代北氣寒風沙急遷宅中原過

襄邑墨雲障天白晝昏神奸夜聚髑髏泣赤土剖腹

肆征禡帝曰傷哉軍勿訝夙聞春秋無仲尼萬古漫

漫如長夜祝畢雲收現碧岑豈非精誠格天心躬率

騶駟穿虎豹熊羆羣暗度五音五音遙接韓山邱雲

木梵臺恣客遊摩挲姚碑讀一過椎牛灑酒饗神頭

吁嗟乎孝文希蹤姬公轍兩遇五音亦奇絕志云局

此陰霧五日詩書禮樂正華風敢與元聖相頡頏

陪侍

芑溪孫郡尊登德風亭承

命賦詩卽用屯留曹令次壁間元韵

邑令

李廷芳

夏雲作雨如壘石削出孤峯更奇特一朝潤物不擇

施萬壑千林生顏色竭來覽勝到亭中唐時碑碣

蒼穹摩挲談笑竟禮數襲座唯聞君子風南指五龍

真可跨東亘山城列圖畫眼前好景須紀詩險韵分

題莫驚訝更開東閣待賢門森森玉樹見鳳蹲正性

自持官箴肅坦懷相與古道存下吏忻逢交泰運去

天尺五與天近爲霖爲雨應有時暫假北門守巨鎮

古韓書院

陳于廷

襄垣之學名古韓羣山環繞如噴岫黃岩紫岩相對峙龍洞仙洞交縈蟠形勝光銑射牛斗况近

肅瞻觀美富高標時在望希賢希聖實不難昔人

興六豪會白紵紅牋已飛翰賴有循良繼其盛

明府滿院栽培盡芝蘭武陽治行張允濟平陽化俗

趙尙寬信是地靈徵人傑應知大木歸神剏我來濫

席叅邑乘西牕剪燭興未闌長頭間事靡朝夕深愧

理窟費研鑽諸生白立頗不俗發軔平步青雲端

郝秉仁趙宜時李枝茂米信成何武王褒充上選中和樂職如鳴鸞

自古人才出學校從今文物壯衣冠

贊

宋

小像自贊

黃魯直

似僧有髮似俗無塵作夢中夢見身外身

其二

見人金玉滿堂而不貪看人鸞臺鳳閣而不妬自疑
是南岳懶散師人言是前身黃叔度

其三

秀眉廣宇不如魯山槁項黃馘不如漆園韜光匿名
將在雙井談禪說道熟瞞兩川枯木突兀死灰不然

虛舟遷物成百漏船

其四

吏能不如趙張三王文章不如司馬班揚飲之以富
貴之鳩毒不能入其城府投之以世故之豺虎而豺
虎無所措其爪角則於數子有一日之長

其五

或問魯直似不似汝似與不似是何等語前乎魯直
若甲若乙不可勝紀後乎魯直若甲若乙不可勝紀
此一時也則魯直而已矣一以我爲牛予因以渡河
而敵源底一以我爲馬予因以三千臣十魯直之主

其六

吏能精密里行嫻恤則不如其兄元明而無元明憂
疑萬事之敝斟酌世故銓品人物則不如其弟知命
而無知命強項好勝之累蓋元明以寡過而知命以
玩世如魯直者欲寡過而未能以玩世則不敢自江
南載一虛舟安知乘流之與遇坎者哉

銘

金

座中銘

喬 辰

宅無一區不儼不賃而解宇足以居田無一畝不興
不桑而衣食足以厚家無一僕不傭不僱而得僕已
之人足以充部曲世無一官不進不獻而藉任子之
廩足以補職員爾無致主之術澤民之才今享福既
已若是其用心宜何如哉乃若富不知足貴不知止
無厭之欲何時而已患中性之易流防侈心之漸放
緬思古人尚且有勤勤几杖以識其過佩革弦以鑄
其情吾恐久而易忘之也故書之以爲座中之銘

國朝

重建曹家坪玉帝廟銘

武郭道三撰

大哉至道歟歟元精依號有物無物無營正功
化與神行光嚴降彩然佑生成
金闕金仙玉京玉帝健剖藩籙戒生定慧玉簡金書
秘文真諦普濟羣生光滿如意
元正初九得一乘陽天地更始日月重光笑開邃古
聲起上皇自然先覺翼運無疆
維此象教郭翁所造繩武有孫式廓原廟降獻其聲
祥發衆妙響徹幽明三花四照

自銘

崔鍾璫

紙窗明燭卽是元宵綠階紅雨卽是花朝時時修禊

何必曲水夜夜酣飲何必藍橋待中秋而賞月未免
執滯盼重九而看菊何其寂寥只將茅堂作仙府書
室爲碧霄淡淡山色摹爲春黛冷冷水聲擬成佩瑤
見月而飲向花而嘲對雪而賞遇風而陶灑焉樂焉
不知春來與秋徃游焉息焉方覺已逸而物勞

詩

五言古

唐

臨高臺送友

王維

相送臨高臺川原杳何極日暮飛鳥還行人去不息

金
讀書山居

元好問

瘦竹藤斜掛叢花草亂生林高風有態苔滑水無聲

其二

樹合秋聲滿暮荒景色閒虹收仍白雨雲動忽秋山

其三

川迴楓林散山深竹港幽踈烟沉去鳥落日送歸牛

明

秋興

王廷相

霜落汀沙白天寒苑木踈朔方纔雁去何日得家書

山行

栗惠麟

棕葉交荒徑藤花落翠微
洞門春不鎖處處待人歸

國朝

挽趙烈婦

東魯 孫雲鵬

痛夫逝芳年堅心懷自縊多方人秘防不遂殺身計
托言供午饌掩戶從以斃引刀輕刎頸鐵石情難易
凜若丈夫行簡冊增烈義直遂天地慘黯黯橫雲蔽
予年值薄暮未見此烈婦視死果如歸人品拔世粹
風化賴以敦綱常全且備紛紛改行婦視此寧無愧
夜坐虎亭驛述懷

御山張鵬

山中氣候殊清秋佳風日空蒼揖芙蓉四圍高翠峯
三巖秀可攬五嶺險堪怵石道多曲折登危興橫逸
俯視萬里寬眼前皆蟻垤乾坤豈端倪鴻濛見初劈
烟水分沓藹溪流各蕩滴野花尙爛熳山果自結實
芳蕤憐瑣碎禾黍喜豐溢上黨古名郡况復山水窟
行吟頗豪宕羈愁已如失晚得驛亭坐四壁鳴蟋蟀
短燭結寒花熒熒照蕭瑟一盃聊自遣萬事難具述
漸看鬢垂絲無復髮如漆翠華江海遙紫塞烽火疾
天心何時同浩蕩不可詰隆中諸葛翁長吟自抱膝
山陽嵇中散對客一捫蝨二者皆吾師高風邈難匹

贈平原張先生留軒

邑人 李曰生

先生瑚璉姿葆真鑑光相皎潔北斗華瀟灑神俱王

巖巖孟陽胄豈必魯山尙蘊藉叔度流從橫西京上

操觚羅史帙褒削成景仰傾蓋何容深私心竊相向

黃鵠傷卑微古道矜昂藏目光熒熒發氣誼海嶠望

廻轅懷古

魏孝文帝幸洛廻轅處也每當秋末冬初楓林滿山遊人韻士往往携樽欣賞

因名小虎邱

邑人 郭倬

北魏起盛樂九邑屬編氓孝文遷洛陽駐蹕遡道征

秦和廿八載想見秦階平風景非昔昔幾何沙與

刻施難旋馬壁壘控輓行石危峻峻反行傳人驚

遙遙幾歲月競呼名不更地靈由人倖倚窟揮樨極
彌望樹若薺婦女荷鋤耕穿林饒虎跡俯礪多龍鳴
騎轉奇葩亂泉飛雜珮聲經秋楓葉墜杯映菊花明
人鳥共趨喧晨昏鐘鼓錡山光照月色彷彿遊蓬瀛
以茲俗謂小虎邱殘碑斷碣千古留

六言古

明

市橋懷古

邑人劉潔

國士橋邊綠草史官筆下清風人美五同壯節我懷
一片孤忠

章江春渡

桃浪舟橫春暖沙汀鴈立莎香餌釣試尋磯石乘槎
浮上天潢

韓山獨秀

突兀半天風影鬱葱萬仞嵐光生成衆山領袖鍾毓
皇家棟梁

仙堂舊隱

縹緲煙霞深靜參差梵剎絕塵花迷琉璃春洞雲鎖
養素高人

涼樓勝觀

峯陵岡水北
崢嶸臺榭天
東日月仰觀
極外山河
俯瞰目中

獅山晚照

奇峯狀如獅子怒目宛似月明影弄半空落日威鎮
百獸縱橫

寶峯積雪

訪戴空吟冰柱擒吳誤入瓊宮巖壑風攢柳絮峯巒
玉映玲瓏

甘泉漱玉

秋林滿澗珠玉名泉一掬香甘光浸水中皎冷瑩徹

天上月寒

七言古

過襄垣志館贈徐磨鈍先生

署府
太守單

燾

紫巖之山鬱嵯峨銅鞮之水碧如螺襄垣形勢甲三
晉勝蹟嘗聞古謳歌何乃圖經久未纂亥魚徃徃多
謬訛我欲重訂困簿書幾回搔首空蹉跎幸來大匠
西江叟傳經上黨資切磋等身著述重河汾請排舊
乘爲編摩自春徂夏精研討上下百代窮搜羅軼事
傳聞詢父老荒祠斷碣親摩挲推測星野歸參井舊志
誤以襄垣爲鼎圖或可與金山舊以五音山爲亥

驚若洪濤沛江河精嚴直與武功並對山復起寧敢
訶人倫臧否示標準褒貶還冀無偏頗不獨文獻垂
世典俗趨方直革嬖要他日藝林矜紙貴勒之名山
永不磨

單梅嶼太守求悅雲圖詩

徐珏

古來軒冕殊氣象小者雖伏大龍騰斗米折腰亦
耳督郵面目誰敢憎不然治劇苦缺掌使者旁年如
春萍頭銜手版不離體侯館委積徒勞形獨有先生
性閒雅萬慮皎皎醉亦醒興來撚髭把栗尾清歌細

律擬杜陵有時揮汗潑山水隨意點綴貴縑繪篆隸
取法在秦漢或亦闌入李陽冰能事不獨推袁于湖

山主人到處磨霍人何幸得賢牧三載尸祝戴福星政

尙清淨民寧壹放衙晝靜聞登登遠岫入聽到沈淙

白雲當戶亦峻嶒悅此舊堂更修葺老槐新竹伴友

朋彷彿當年太湖景予寫幽趣光熒熒好古何必吳

興守新詩貯滿墨妙亭

公先治姑蘇

今茲上黨思德政仍

似霍人詠榛苓賤予慙學垂青眼錦驄命公敢承

池塘春草句林立構材公與入謝庭我躬未敢心公繒

生安得寄鳥巾公參羽民公上書公文公行公約公月公月公月公

雨後過虎亭望紫巖山

高密進士單可璣

雨霽憇郵亭山川殊清曠開軒對紫巖新洗芙蓉嶂
斷雲鳥邊飛懸瀑松際漲風迴燦日華丹壁絢錦障
崇閣帶平林漳渡濤聲壯遙聞清磬音不見麻衣相
雪晴言更佳卽此神已暢前日龍山遊虬龍盤萬狀
何似寶峯幽後來居其上上黨古奧區欽崎工天匠
還期曳青筇攀藤採佛藏

七言絕句

後趙

乂筆

張 密

我輩藏身近路傍
滿身風露恨忙忙
誰人德比周西伯
悞把金鈎釣尙方

虎亭琉璃井

二首

叅政

陳洪濛

世次無考

昔爲林莽今城市
井覆琉璃迹已迷
謾說世間無煥
事丹青壁宇至今題

底事書生伴虎妖
宦遊千里更回鑣
木來面日休驚
詫還共嬰兒陟紫霄

挽楊引詩

二首

無名氏

引當父喪甫三齡
老母何堪晚亦傾
罔極深恩嘆莫

幸微令哀痛欲傷生

衰麻更著十年餘追服終身誓不渝豈獨姓名登宦

籍詔書褒寵耀門閭

後魏詔封明御製孝
行事實特賜收錄

元

石勒

郝經

都門長嘯氣憑陵崛起戎行霸業興夜葬山間人不
見至今猶有守墳僧

明

虎亭談虎

四首

乾侯
陳廷謨

談虎猶能給市人崔生何事險安身妙從熾火還真

水暗地陰魔總是春

世紛何假復何真
改換皮毛虎亦親
磨牙巧弄櫻桃
口誰信牀頭可殺人

出山忽作婦人身
就裏機緣亦夙因
假使半途不出
語傍人依舊羨朱陳

夢合熊羆掌上珍
生兒從父定超羣
如今懸有封侯
印虎子何人滅寇氛

國朝

甘露凝床

阜城

沈冬魁

太史當年奏五雲
薛公千載羅
甘露凝床
合前首

露天意從知欲佐交

硃砂洞

趙三麒

海底有天堪拾月山頭無路可尋仙
撥開赤水窮深洞衝破丹爐一徑烟

醉雪石

露濕秋雲杖履寒蓬萊踏遍遇仙難
何如謝傅東山屐遠黛眉尖一色看

女虎

錢塘
翟祐

旅館相逢不偶然人間自有惡烟緣
書生耽色何輕命三載真成抱虎眠

仙堂續夢起句

武鄉

趙鎔

八七花前十二樓香飛蝶夢與天遊
神人久假無消
息獨倚雕欄最上頭

八七花前十二樓水晶簾箔月爲鉤
呼童掃石排沆
瀣我與山翁話海鷗

八七花前十二樓仙郎欲動故山秋
閒來眼豁腸皆
換拾得紅霞作釣裘

遊紫巖寺

楊彬

僧房高臥鑑江流
樹遶迴廊曲逕幽
休笑偷閒來久
坐野心多爲白雲留

石勒

鐵裳列羽擁雲車
金馬鳴粒志欲吞天縱五朝分半
壁至今孤塚伴黃昏

張賓

十載從君事杳冥
一坏荒塚夢旋醒
空貽謨畧流青
簡未繪凌烟閣上形

仙堂舊隱

邑人劉濰

沉沉梵宇瀉清泉
路躋雲霄入紫烟
山有幽人無問
處常留古樹碧參天

韓山獨秀

嶢峩山勢絕平堤玉樹千尋碧漢齊歲久不同邱壑
變亭亭獨秀古今題

獅山晚照

石脊峻嶒畫裏成夕陽隱隱勢縱橫宛然怒目回
望虎豹深藏孰敢鳴

涼樓勝觀

樹色參差岸草青漳河五月水泠泠南峯可是生來
巧堪與涼樓作畫屏

寶峯晴雪

叢林玉宇跋雲端美景偏宜霽日觀一望環山壁不

外鉅制龍現好峯巒

市橋懷古

吞炭漆身志不搖
斬衣揮劍氣干霄
忠魂隱隱隨流水
尙覺當時恨未消

漳江春渡

春風細雨夜初收
一派清流足勝遊
此口枉梁正好渡
烟波何必問漁舟

甘泉漱玉

邑城西畔水潺湲
漱玉泠泠似珮環
疑是伯牙流水調
長留清韻在人間

觀音洞

仙堂雨洗絕塵埃
梵宇清幽爽氣開
不上觀音峯
頂真成不到此山來

琉璃巖

石竇空明路暗穿
塵襟到此覺悠然
洞門正在雲深處
誰想人間別有天

五言律

排律附

後趙

亂筆

二首

張賓

自從離世上何處
隱吾身細草山中
散淡烟溪畔村

春風吹恨骨。夜月照孤魂。欲訴前朝事。吞聲淚滿襟。
天王起鉅鹿。推我作謀臣。苦志披金甲。清談笑竹林。
身因劉曜死。志爲石宏申。寒食誰無主。荒邱我有身。
一生徒老矣。安得上麒麟。

明

過襄垣詩

魯郡

王思誠

秦漢俱稱縣。隋唐兩建州。虎亭遺址在。仙洞古踪留。
五季迭爲主。三家並列侯。甘羅山下水。汨汨幾千秋。
其二

市井趨今縣。荆榛滿廢州。城因襄子立。廟爲慕容留。

上黨新支屬平陽近甸侯壁間多墨蹟磨滅幾千秋
其三

萬里花封遠風烟接沁州民寃多剖決公牘少淹留
勤政逢巫馬嚴臨得細侯今年春雨足定看麥天秋
其四

分司持憲節按部自蒲州廢事隨時舉新詩到處留
教民師魯叟鞭吏法蕭侯守已惟清肅風霜凜凜秋
其五

終歲行他縣何時到我州雲山從隱逸風月任攀留
採菊尋元亮鋤瓜問故侯四簋亭子上荆石書易次

重到維摩院紅榴正噴花長歌啼鳥亂徙倚夕陽斜
寺迴穿千徑樓高俯萬家留連回轍晚前塢已歸鴉

其二

福地歡乘興經壇羨落花焚香諸佛淨渡馬一橋斜
夾澗三千界依巖四五家黃昏扶醉去猶見後棲鴉

夏過桃林寺懷汴土人

二首

郝良臣

再到香巖寺深懷連汴公談經千劫透演法五門通
虎錫徒塵暗龍盂只水空倚龕惆悵久不覺月生東
再到桃林寺凭欄意惘然高情懷舊衲小集憶先年

雨泥禪堂暗風摧佛舍偏殘碑磨認罷涕淚一潄潏

旱後喜雨

郝良臣

早夏方愁暑甘霖忽兆秋黃雲渾映麥紅樹色燃榴
九土霑何限三農喜不休獨憐子更樂載酒一遨遊

市橋吊古

御史黃洪咀

久作損軀計寧存吞炭身橋邊酬國士馬首失讐人
遺恨乾坤老孤忠汗簡新至今城下水嗚咽似悲辛

再遊如常院

郝良臣

再到如常館春和正物芳花林看蝶粉柳岸聽鶯鶯
唐伯憐僧版光明羨佛牀夜深焚香罷露裊餘香

其二

老伽憐遠待幽徑喜重來岸柳依巖綠林花傍客開
野人相贈答山鳥共徘徊一夕深巖下蒼涼真快哉

沁陽道中有感

御史楊美益

隆暑遵山曲中天日正懸長途無健馬密葉有鳴蟬
勞逸奚須論清和不並全因時惟自攝任爾化機旋

宿虎亭驛

傅霈

信宿虎亭驛蕭蕭古木寒問名知虎變卜築近龍蟠
遑事空陳迹臨風起浩嘆家鄉何處是遙在白雲端

國朝

羊舌赤

楊彬

晉室衣冠去名賢舊業存銅鞮分采邑赤壁隱芳魂

曹子建墓

邑人

賈待旌

驅馬荒原墓陳思此一坏名猶存日月身已滿蒿萊

細雨牛歸牧愁雲夜過哀躊躇懷古意欲去更徘徊

辨濁漳

窮源四十里靈竅瀉芳泉眉睫池中見蒸嘗石上鐫

濯纓發清興逃世隱塵軒寄語循名者濁漳空浪傳

仙堂嶺望

趙三麒

烟巒韓地盡坐嶺漫扶筇危蹬騎山鬼輕沙印虎踪

府觀天井宿縣對寺門松栢得琅琅露能鉗虛暑
次張景公此詩韻

羣雄爭逐鹿許國敢謀身苦戰思回趙幽棲不計村
野狐欺塚破螢火導詩魂赤帝終難遇猶題漢上襟

又排律

右侯殊了了大雅失臣臣鐵草排雲騎龍蛇畏羽林
主知恒自負天奪豈求申妙算恢前烈精靈顯後身
寂寥千古夢誰復續悲麟

韓山獨秀

李曰生

觸天開麗色臥地接雲根矯爾孤峯異森然萬壑尊

蒼茫迎霽月濃澹挹朝暎晴影陰烟裏山光幻吐吞

前題

崔鍾瑒

偶來仁濟寺此處望韓山曠志雲中鶴秋思月在天
今消古息事花落水流間卽似孤峯好千秋鎖暮烟

獅山晚照

李曰生

磊落山頭石雄獅若幻形山寒凝夜白日暖見天青
霞積身如練風迴吼若霆銜暉遙望處彷彿畫圖屏

仙堂

崔鍾瑒

世間稱福地最勝有仙堂柳鎖披雲客花迷採藥郎
朝遊龍隱洞夜伴月明牀無是無非處由他名利忙

涼樓

昔人避暑處今日說涼樓明月知何在白雲不可求
夢隨青草遠身似碧雲浮載酒平生志消閒得自由

甘泉

桃林有古寺此際覓甘泉洗耳行非矯濯纓興自然
睡濃垂柳下酣醉野花前世上風塵客讓余溪石眠

硃砂洞

在仙堂山舊傳有人煉丹砂於此後仙去

郭倬

洞隱深山裏秋高草木蒼葛洪丹未盡巢父事非狂
鳥拂虛簷度虹垂峭壁藏煙霞堪作侶傾倒白雲鄉

棲雲庵

上名洞兒壻

爲愛幽棲處危峯面面齊雲深龍臥鉢霧隱鶴藏溪
小憇塵緣淨高談月影低倏然求半偈容我問曹溪
中秋後一日袁父臺西院課士賞月

郭倬

課士西齋裏憑軒酌桂觴試觀今夜月不減昨宵光
河澹凝霜冷星稀滴露涼金風吹入座猶覺有餘香
七言律

八景詩

市橋懷古

邑人

李濟

市橋風景尙依然一上登臨吊昔賢
襄子有謀安社稷豫生決計秘圭全
寧卑則客召爲京占卜大庸東叅

墓州寄詩傳材諸俊彦開才遊覽則記

前題

邑人 劉鳳儀

一上橋邊思惘然人間國士憶當年
漆身爲瘡名猶潔吞炭無聲事尙傳
賈口孤忠遺廟在凌霄高節汗青編
至今一點心難死嗚咽潺潺有碧泉

前題

邑人 劉龍

六卿分晉歲華遙古跡猶存國士橋
流水落花愁尙在夕陽衰草恨難消
伯夷恥食周王粟仲父還登小白朝
萬古人心此忠義汗青留作姓名標

前題

邑人 姚九功

食報千秋襄子城卓哉勇烈死猶生只因國士酬知
遇奮向河橋伏刺兵七首刑人非賈譽漆身吞炭豈
圖名追維躍斬仇未日定有長虹貫日星

前題

邑人

郭瑱

一派溪流當道中長橋橫駕臥晴虹羊腸踏遍生辨
苦蝸角爭趨沽計窮千古空遺驚馬跡九原誰謝斬
衣功往來多少行人過那有當年國士風

前題

邑人

姚太生

萬古雲溪綠草空至今鳴咽尚朝東斬衣白解孤臣
憤驚馬天留國士忠壯志逆流橋下水英鋒斜貫日

遷虹兒時愛閱忠臣蹟
祖拂殘碑感慨同

前題

張星祥

義俠橋邊野草敷
備嘗險阻苦如荼
殘傷肢體真奇士
剪滅鬚眉亦丈夫
漢室蘇卿曾嚙雪
殷家箕子願爲奴
二心有戒懷忠節
愧殺朝秦暮楚徒

前題

楊彬

壯士橋邊野草菲
昔賢心事不勝悲
漆身豈爲留名潔
吞炭長懷報國私
陌上春風吹恨骨
崖頭明月照封墳
史官珥筆彰青簡
萬古忠魂宇宙垂

漳江春渡

李濬

冰泮長河湛碧漪行人須識淺深宜遊春公子騎鶴
過拾翠佳人把棹移莎草岸頭眠白鷺綠楊枝上啼
黃鸝滔滔今古流難盡川上如斯嘆仲尼

前題

劉鳳儀

河泮茸茸春草柔興來臨渡更夷猶蒸桃曉日紅霞
爛夾岸晴沙碧玉流舉棹真成天上坐濯纓如在鏡
中浮夕陽山暝舟橫處風靜雲閒數點鷗

前題

劉龍

漳水南來抱邑城春風淡蕩雨初晴樹藏茅屋諸村
丘壑菱苔幾樹木戎畢罔有詩箋三石烹茶處處及

深清詩人不盡尋芳興幾渡滄浪訪濯纓

前題

郭瑄

江流屈曲瀉銀潢春漲迷津更渺茫露洗岸花紅滴
滴烟籠村樹碧蒼蒼數聲樓櫓因風動一葉扁舟順
水忙却憶公孫多惠政命車甘把作徒杠

前題

姚大生

乘興徘徊古渡頭深洞東下是漳流春風吹浪魚
啣草淑氣澄江鳥傍舟簫鼓中流添秀况晴嵐兩
岸度清幽塵心到此都消盡載酒時來一醉遊

前題

汪聖孫

春江春水且漣漪
策騎來過緩緩移
泛水沙鷗齊上下
啣泥海燕獨棲遲
花光細草村邊合
柳色新晴野徑宜
爲嘆源頭何浩浩
直教人在鏡中馳

前題

張星祥

春遊遊到漳江頭
四壁天光一望收
就淺就深隨躍鯉
相親相近狎浮鷗
花排兩岸迎風綻
浪湧千翻帶雪流
吊古有懷思傳說
他年願作濟川舟

韓山獨秀

李濬

兀突高山起太清
半空削出芙蓉形
望中雨洗孤峯出
天際雲閒一點青
豹隱深巖蒼霧合
龍歸古洞白

雲居巍然屹立擎天柱永鎮坤維尊太寧

前題

劉鳳儀

名並匡廬五老峯
晉山崕嶠敢爭雄
長松架壑消殘暑
碧草含烟接遠空
踈雨蘭苔鳴翡翠
亂雲峯嶂插芙蓉
從知勝槩天生就
多少遊人望闥風

前題

劉龍

高山城北聳奇觀
五月遊人怯曉寒
古木陰森迷歲月
浮雲重疊擁峯巒
半空仙梵藏幽寺
百尺神泉瀉碧湍
焉得思如庠誥手
細將形勝寫毫端

前題

郭瑄

矗矗青山幾萬堆
就中盤谷勝蓬萊
白遮石頂看雲起
紅映林梢見日來
好鳥有情陪客語
閒花無主爲誰開
興來慨嘆今成古
岸畔留題綉綠苔

前題

張星祥

奇形繪作畫圖難
携妓東遊學謝安
步麓平臨丹鳳穴
登峯直上白雲端
巉巖客還行還止
峭壁風來暑亦寒
俯視衆山如拱極
亭亭獨立鎮邯鄲

前題

楊彬

北顧山頭第一峯
懸巖巘嶺獨稱雄
凌霄古木招元鶴
穿石奇崑美壽龜
築穴成亭帝岳均
漫有詩文手

花風留連勝槩天生就宛是奔虹駐遠空

仙堂舊隱

李濬

天生勝槩景非常山繞藩籬石作牆地擁金蓮關佛
像水流石洞泛花香西山二子全身隱北海孤標遁
世藏此是蓬萊真境界更於何處覓仙堂

前題

劉鳳儀

峯巒深處是仙堂殿宇蕭蕭石作牆畫寂香消僧入
定年深樹老鶴來藏真人養晦煙霞舊遊子題詩風
雨狂三生話畢忘塵事清夜沉沉月滿牀

前題

劉龍

高士當年不可求
白雲無恙水長流
桃源路杳應難
問蓬島春深是勝遊
已入烟霞成痼疾
肯將霖雨慰
深憂
蒼松翠柏遮天日
獨傲人間萬戶侯

前題

郭瑄

幽人曾隱白雲溪
一夢華胥世路迷
道大未逢周室
用名高應與富春齊
烟霞寂寞化含笑
雲樹陰森鳥
亂啼
覽罷遺踪凝望處
萬山疊疊草萋萋

前題

姚大生

五雲天際一峯餘
舊有仙堂仙子居
殿古春深
蹟風微香
靄襲
經始
答公
意
等
雲
霄
莫
翠
泊
來
集
府

太虛爲問仙翁何處有
品留仙藥寄荒廬

前題

汪聖孫

天然仙境說仙堂
松作旌旛花作牆
石壁苔封塵自遠
梵宮雲擁樹飛香
前賢高隱迷芳草
仙子行踪空渺茫
偶得公餘尋舊跡
秋風鱸膾與思長

前題

張星祥

覽勝登高入霧烟
却疑身已作飛仙
漱流枕石親魚鳥
放鶴揮弦遠市廛
嚴子尚思垂釣餌
匡生且欲借盧眠
桃源近在山峯下
不讓華陽古洞天

前題

楊彬

世人何處覓桃源
縹緲雲嵐罨萬村
琪樹含煙花覆
鉢石牀橫谷夜棲猿
羊裘老子還留井
騎鹿仙人定
隱軒擬採延齡元
亮菊堂前流水日潺湲

前題

郭倬

鏡爲樓閣玉爲城中
有山樵坐隱枰
鬼劈翠屏非幻
想人留丹竈有餘情
細泉出石飛難盡
幽洞藏雲濕
未明我欲疏流看
瀑布山靈可許濯長纓

涼樓勝觀

李濟

殘金虎將起涼樓
乘興來登最上頭
縱目有知天地
大凭欄無限古今愁
太行峻極空碧漳
水潺湲遠

峙流興盡歸來臥小榻滿腔詩思正無休

前題

劉鳳儀

折戟沉沙得斷金危樓傍水暑難侵欄凭今古消沉
裏簾捲東風頃刻臨遠近山河渾入畫高低草色自
成吟才踈愧乏江楓句不盡平生賞物心

前題

劉龍

聞道前朝避暑樓林塘五月已驚秋千村樹色高低
出四面嵐光遠近浮世代暗催人老去繁華都逐水
中流空餘廟古丹青在蕭鼓昏風擁道周

前題

郭瑄

雕梁畫棟勢崢嶸快意登臨眼倍明山擁畫屏千古
秀水纏羅帶四時清郊原霧散舒觀遠村樹雲埋入
望平獨倚欄干恣吟咏不知紅日已西傾

前題

姚大生

大將兵行殺氣優炎蒸五月起涼樓窻開青嶂玲瓏
曉秀覽皇洲罨畫收雕閣雲埋山隱隱漸臺風冷水
悠悠莫言遺蹟空塵土萬古漳江只自流

前題

張星祥

漳江江畔起涼樓徃古今來誌勝遊紅袖倚欄人似
畫清風臨水夏如秋尋芳壁上觀黃鶴遺興溪頭狎

白鷗此日登臨懷往昔輞川佳景樂悠悠

前題

楊彬

寢戈罷戰起涼樓彈指於今四百秋眼底山河開錦
綉望中圖畫列貔貅元戎避暑消長夏壯士迎風傲
五侯古廟猶傳三月社春風簫鼓未曾休

獅山晚照

李濬

一帶西山蹙遠峯雄獅獨照晚霞紅奮髯只許龍行
雨開氣誰教虎嘯風踈勒貢來非足異文殊座處亦
成空天生神物真無匹光采威嚴落照中

前題

劉鳳儀

九龍祠上是獅山宛似狻猊怒目看瘦骨還因晴雪
露雄威全在夕陽殘月來有影雲山迥風靜無聲野
水寒乘興登臨渾未厭欲揮長賦獻金鑾

前題

劉龍

百獸威雄未有獅山形相似更爲奇來從異域行應
倦臥向中原去却遲萬古風雲長守護千林虎豹盡
驚疑夕陽返照渾如畫此景真成造化私

前題

郭瑄

如踞如蹲體勢雄巍然特起亂山中曉來氣吐寒烟
冥晚榮光疑夕照紅霞道付復冥冥中

潛踪肖形都是天機巧永鎮中華萬古同

前題

姚大生

九龍山勢鬱葱葱上有靈猊臥壁空威鎮林端英氣
猛影搖石窟赭顏紅千層燈火星輝暗萬疊光芒月
色朦此景若親摩詰手揮毫堪與輞川同

前題

汪聖孫

石勢崢嶸獅子同奇峯夕照返來紅剖心烈士沉荒
塚駐輦賢王有古宮片片落霞明織錦行行歸雁溯
秋風豈緣着履頻呼酒向晚寥寥客思中

前題

張星祥

雄獅威鎮古韓城高臥抬頭勢若生曠野豺狼俱滅
跡環山虎豹盡藏聲松濤作吼風張口苔蘚爲侶雨
點晴最是夕陽隱躍處爪牙欲動使人驚

寶峯晴雪

李濬

叢林雪霽白皚皚山勢渾如粉黛開徧地鋪成銀世
界虛空幻出玉樓臺老松跨澗花虬起古柏參天海
鶴來白雪調高和者少古人推讓絕奇才

前題

劉鳳儀

天空雪霽絕埃塵寶殿平鋪爛似銀野徑迢迢雲裏
滑禪林矗矗望中新玉壺香藹聞青梵紫章輝主報

早春欲起麻衣問消息天衢何日是通津

前題

劉龍

招提西望鬱崔嵬雪後俄驚霽景開
杖月老僧歸玉宇隨風清梵下瑤臺
氤氳瑞氣催詩句灑淥晴光入酒杯
咫尺虎祁遺址在幾番登眺重徘徊

前題

郭瑄

萬仞嶙峋插碧空峯頭遙望與天通
白氈覆頂留晴雪錦帶纏腰映晚紅
百尺牙檣江浦外一堆螺髻鏡光中
時髦欲折秋香桂正好從茲上貝宮

前題

姚大生

巍哉寶殿倚雲開
雪後光瑩絕點埃
柳絮沾衣時作陣
瑤華落地不成堆
紫巖山裏紅塵遠
碧洞簫中爽氣回
景物因人成勝槩
莫將登眺重徘徊

前題

汪聖孫

雪後千峯霽色開
寒光萬疊映瑤臺
騎驢未識尋梅去
駕棹無由訪戴來
松老那知頭並白
鶴飛難向影中猜
請看寂寞韓州路
且對瓊林一舉杯

前題

張星祥

巖巖赤壁立清漳
晴雪流輝半素粧
嶺上排桃開白玉
峯頭紫電壓青霜
日光閃閃寒泉落
石色蒼蒼古木蒼

不牆恍惚凌空遊洞府麻衣宮殿卽仙堂

前題

楊彬

奇峯西望鬱崔嵬朱闕憑虛萬象回
古樹陰森迷歲月層雲重疊護蒼苔
烟浮淑氣山如畫澗繞銀清勢若雷
最是雪收初霽後猶疑紫蓋覆蓬萊

前題

李挺生

紫峯屹立勢崔嵬雪後晴光萬壑開
西望銅鞮通複道東連獅嶺接琴臺
松風鳥韻和清梵曙色花香泛酒杯
爲訪麻衣尋勝跡綠陰深處獨徘徊

前題

郭倬

名山蒼翠逼雲根，秀出奇峯俯萬村。
古寺陰森浮暮景，層巒黻黼接朝暾。
霞開紫電迷松圃，雪後晴嵐掛劍門。
靈氣自懸天地外，驚時爭看六花痕。

甘泉漱玉

劉鳳儀

疑是沂川傍，舞雲清冷白。
與衆流殊涓涓，迥澗寒衝玉。
滾滾沿溪亂，濺珠何處絲桐聽。
却遠誰家羅帶引，來迂會當瀉入天瓢內。
化作甘霖潤槁枯。

前題

劉龍

滾滾源頭漱玉泉，烟村南畔石橋邊。
應流碧澗隨鷗鷺，不與紅塵競管絃。
長夏潤沐承秀，晴春佇立看雲天。

旋爲霖會待風雷起直與蒼生解倒懸

前題

郭倬

千尋玉螭掛林邱瀉出珠璣滿澗幽噴壁四時如作
雨聽泉終夜似鳴球巖分潤氣連雲白溪映寒光失
地秋獻賦甘泉誰得似韓州億載頌靈湫

市橋懷古

劉夔

晉地瓜分歲已遙經今遺跡義臣橋渠深百尺聳難
報氣壯千秋恨未消是處惟聞雄戰國當年空嘆弱
周朝茲心耿耿乾坤正留得芳名萬古標

漳江春渡

漳江如帶遶東城低翠春山雨乍晴花柳自知今
好杠梁猶是去冬成征夫碌碌摩兼擊流水迢迢
且清耽坐漁磯忘日暮烟波正可濯長纓

韓山獨秀

翠聳諸山第一觀時將初伏尙驚寒木高東魯千年
檜秀冠西秦百二巒寶磬數聲鳴古寺飛泉億丈霽
清湍於今安得王維手蒟蒻精奇繪筆端

仙堂舊隱

欲避秦時此地求修真人去水空流丹臺寂靜非凡
隱勝蹟依然是壯遊花鳥松蘿處

忘憂清風明月無窮樂浪跡乾坤笑五侯

涼樓勝觀

今爲祠廟昔涼樓四野薰風此地秋疊嶂遙峯相掩
映斷雲野鶴共飛浮參差樹影橫窻擺蚤晚霞光樣
水流簫鼓音開春暮月紛紛士女步芳洲

獅山晚照

巖巖怪石宛如獅狀義相叅景最奇馴俯千年顏不
老長眠萬古起還遲每因晚照諸魔伏但使遙觀百
姓疑緬自崑崙離祖後形成天地是無私

寶峯晴雪

寶峯倚杖陟崔嵬四望銀花滿樹開頃刻晴光明宇
宙須臾陰氣散樓臺安禪衲子談三昧索句詩人酒
一杯此去銅鞮衣帶遠欲行又止意徘徊

甘泉漱玉

邑城西畔湧甘泉漱响琤琤到耳邊無異美人拖玉
珮宛如騷客理絲絃不因春雨添膏潤非藉秋風送
物妍湯沐烟村明月夜一輪寶鏡水晶懸

仙堂舊隱

東坡
趙思植

策馬巒峯日正西傳聞有客此中棲仙堂勝迹今猶
在高士芳名竟莫稽古寺陰森泉自湧空山寂莫鳥

還喻我來此地怕快什麼欲說何淵

安陽

市橋懷古

汪德修

白憶當年國士遙而今勝迹尚遺橋滿腔仇恨捐生報一片丹心誓死消驚馬忠魂遺百世斬衣俠氣壯

千朝英雄自古誰稱謝留落芳名青史標

王序

獅山晚照

半欲明明半未明巖頭遙見一獅橫真從南表來珍怪逸向西山化石精動處常因日落照瘦時應是雨初晴豺狼且莫誇雄長吼處頻教虎豹驚

趙思植

涼樓勝觀

此地元兵曾避者我來此地亦登樓環山綠樹參差
列傍水白鳥近尋荷葉集堪消永夏迎風竟似歷
深秋歲經數百名還在羸得詩人咏未休

寶峯晴雪

汪德修

四圍山色傍雲開雪後寒光映曉臺粉黛乾坤成錦
繡清明紫電覆蓬萊萬仞碧空流玉樹千年野鶴遶
霞杯爲訪麻衣尋勝迹登臨寂寞重徘徊

前題

趙思植

尋幽此日陟崔嵬好景翻從雪後開萬壑明霞輝殿
宇環山紫氣護樓臺聊依舊韻題詩何待更祈香

酒杯洞裡麻衣遺像在私心聽伯自徘徊

甘泉漱玉

趙思植

城西亘古湧甘泉曲水涓涓不計年
恰似源頭鳴玉珮恍如淵底奏冰絃
天工一派真堪賞薄宦三生亦有緣
瘦馬馳驅今到此清流試取拂茶烟

麻衣

劉龍

何日麻衣創此基空庭春暮落辛彝
人間福地誰當勝林下閒身我亦奇
涪水諸天歸杜集廬山高社入陶詩
日長話罷三生事暫向河干理釣絲

再遊如常院

郝良臣

禪院重臨聽說經
天花正對雪花零
山僧時與供茶
藿野老頻來送
醪醑連社衆
禪子慮歌石壇問法寸
心醒焚香白笑塵汗久有愧如來淨手瓶

入虎亭有感

御史 溫如璋

澗草谿沙路轉通
重來小驛繫行驄
飛花院落空山
外野樹人家晚照中
寒魯薊門猶牧馬
鄉書洛浦斷歸鴻
銅鑿疏井知何在
日暮蕭蕭起大風

憶舊有感

督學 于漢翔 金沙
使者

二十年前濂創客
而今特奉簡書來
山中月冷侵藜閣
樹杪天高暈曉臺
桃李不言春正曉
桑榆如夢

初回遙思琴鶴追隨日華表雲深望欲開

李衛公廟

崑山 葉盛

曾於南廣拜靈祠
襄邑於今復見之
血食固宜垂永
世勲名何止冠
當時閒花野草
春風在枯木寒
鴉夕照遲亦有
殘碑爲西岳摩
泮不覺髮成絲

五龍廟謝雨

明 陳汝義

馬踏山雲徑路高
樹頭風腳靜蕭騷
已知神物爲霖
意須念農夫待
澤勞頓使麥苗
如日堰却回枯
壤作春膏懶勤
本是諸侯事看
取當年魯史褒

禱雨五龍廟

明 金澤

曾覽圖經說異祥如今始識五龍鄉
靈湫漫漫過深谷雲氣微茫接太行
亭掖丹扉松柏秀碑橫翠壁蒼苔蒼
我來默與神相禱願施甘露溥八荒

圮橋吊古

姚九功

爲韓人去歲華遙古跡猶存進履橋
韓公始從黃石得功名終向赤松消
心懷往事增新慨神拂殘碑說舊朝
博浪英風今尚在低徊空使夢魂勞

連御史靖難死節

明程之珫

君王遜國落江湖潞有雙忠

公與暴尚書

肅帝都廷尉丹

心知勁草烏臺靖節莫遺珠
當年已既無司馬後世

何人自畫孤英使轉英同草木讀名銘匠與相才

謁劉紫巖兩先生墓

姚大生

松楸鬱鬱聳佳城累葉人豪此地生
苔蘚淋漓豐碣古荆榛
淹淡暮雲晴高邱鶴去淒風老枯木
鴉棲夜月明我來瞻拜荒祠晚不盡
人間感慨情

劉文安公塋

二首

趙三麒

領畧荒郊夢裡天遙瞻喬木憶前賢
洪文一代開元

運

公宏治探花

祖訓三章脅內權

公三疏請罷章太后謁

華表猶存

韓日月岡陵誰識晉山川老子幸附聞知列禾黍秋

風報九泉

其二

文安事業史能傳
勅建丹墀花倍妍
河到祠前消怒漲
鵲盤松頂故踟躕
十年焚劫留宸翰
八頃東西失祭田
惟問如麻孫子姓
何人更讀尚書篇

公著有尚書日講

虎亭晚酌

四明柴誠

軒車數日苦山程
暫浣征塵夕照平
聞鳥窺人還自語
新蛙著意爲誰鳴
霸圖信傍虛宮殿
虎幻疑傳甕井生
對酒莫須探往事
一庭槐綠晚風清

壬辰秋再過虎亭次壁間韻以附其說

夾谷張四文

泥塗到此俗事都淡西風四野平清江現沙州柳
合亭晚霽蟋蛩鳴要呼夢覺關頭地漫認皮毛悞
半生底事不如心上悟萬年仙果箇中清

西書院課士長句示之

古視
袁良

行文猛進莫蹢躅作者嘔心識者難案牘不留評帖
括吏胥屏絕禮單寒秋來健翮騰霄漢桂影婆娑湛
露團供給休言多淡泊藉茲吾道可彈冠

孟秋袁明府西書院課士和楊少君韵即贈袁利

亮先生

二首

平原
張琦

俸錢強半餉儒生此日論文景物清且樂歐蘇稱藻

鑑還推沈宋並權衡虬松謾謾風生腋鹿院沉沉鴈

自鳴試問六豪人在否會中期不負科名

自令楊公建中立泰

晉書院名曰六豪會是科王基洪中式成進士選詞林歷官南直學院

其二

廣被仁風慰我生新秋文思一時清黃金設館優奇

傑彩筆干霄待鑑衡釣月銜盃纔得句催人宿鳥又

爭鳴從今九畹滋蘭茂豈獨羣誇泰晉名

康熙四十一年春恭候接

駕

楊彬

和鸞已報出楓宸柳碧花鮮景色新雲魚十巨印狀

瑞風榮輦路靜飛塵昆蟲草木

皇仁普鷄犬桑麻野俗醇四十餘年深雨露萬方咸仰太

平春

五臺山接

駕蒙

天語垂問恭紀

楊彬

一路韶華艷馬蹄

龍旂直上五峯西千官黼黻雲霄迥萬國山河指顧低
霧彩烟光凝瑞色鳥啼花發引攀躋小臣何幸瞻

天表俯聽

綸音泰岳齊

秋日銅鞮懷古

劉濞

驛路駢駢荒草低
虎亭傳是舊銅鞮
秋雲慘淡寒烟度
古樹蕭條野鳥啼
漳水東流歌舞散
祁宮西望霸圖迷
我來懷古情偏遠
回首蒼涼景物齊

邑侯武公禱雨詩

有序

邑人

王雲龍

夏城武公以萬歷辛丑來宰邑爾時民憂旱皇皇公
甫下車虔禱甘霖立沛踰年春夏又旱公復兩禱俱
應非公之至誠感神何以至此因而賦詩刻石於龍

洞云

旱鬼重逢氣數乖上天却爲至仁延恨如成神
去還似倒傾蛟室來豐澤兩年蘇稷餘膏三月潤
花臺賢侯德政施千井綴頌鐫碑志永懷

金沙

于嗣昌

東察院歲試童子

朝來暫輟簿書功入院分題試角雄
蕭鼓音開班管調吟哦聲動古松風
吏胥屏息朱簾外文武揮毫白雪中
回想當年童子日風簷潑墨此時同

紫巖山

于漢翔

光嶺危屏秀壓羣望中履到未斜曛
亂峯繞寺都疑樹遠浪翻天盡是雲
蒼去不知煙有徑白來惟借雪

爲紋振衣獨立舒長嘯聲入獅山好共聞

過襄垣詩

金陵沈鐘

武鄉南畔接襄垣百里馳驅不憚煩春半冰山如臘
月山深風景似桃源樹頭啼鳥偏驚聒洞口流雲信
吐吞司馬勝遊端直共蒼茫搔首役吟魂

其二

襄垣風景信如何遠近岡巒上下坡驛騎久淹疲
力郵亭暫憩費吟哦泉流觸石冰漸解土豚迎春草
色多奔走未能禪世教空將歲月等閒過

其三

松陰周匝護重垣。懇語青衿難自煩。正人各各要須效。

其四

匹馬長驅可奈何。况逢霜雪被岡坡。子長遊興仍無
恙。蜀道難篇謾自哦。兵後故家喬木少。天涯親舍白
雲多。虛空彷彿山靈語。數見斯人使節過。

廿五

病軀醫護按東垣無奈耽吟渴且煩頻歲宦遊多驛
騎幾時辟穀訪仙源英雄眼底尋常接雲夢胸中八

九吞李杜詩名天壤內於今畢竟有真寬

其六

歲月其如撚紙何去年今月觀鑿坡親承天語班中
拜歸取雲山馬上哦祿食迄今猶浪竊功名在世豈
堪多倚間白髮天南畔佇望萊衣膝下過

遊寶峯寺

劉龍

携酒尋芳入翠微醉中乘興却忘歸山川有約專相
待歲月無情欲似飛村市遠張楊柳幕柴門斜掩
蘿衣江湖廊廟平生事憂樂關心總不違

寺下清溪碧玉流。寺前高閣紫烟浮。鶯聲化逐韶光
老。花事閒生客子愁。上黨地靈雄宇宙。虎祁宮古屬
春秋。遙看蘭若斜陽外。不惜捫蘿到上頭。

其三

幾年遊徧江南寺。北望江山億寶峯。千仞紫巖金艷
艷。一溪漳水玉溶溶。登臨陡覺風雲集。唱和多勞故
黨從。投老忘機隨去住。得於雲境寄塵蹤。

其四

紫石爲巖實作基。凌霄千仞重華夷。地當衝要山偏
好。寺占清幽水自奇。訪勝欲追滕閣記。留題疑是朝

川詩不應地主歸來晚惱得春風拂鬢絲

其五

一春長苦雨霏微雨霽尋春春欲歸
葉底幾聲山鳥弄風前無數野花飛
觴傳流水頻移榻杖倚高岡獨振衣
林下無人真謾語閒情久與世相違

其六

塵纓暫解濯漣流寶刹樓臺上下浮
玉勒同遊真可樂金樽長滿復何愁
沙汀睡鴨將臨夏麥隴藏鴉定有秋
四十年來重到此傍人應笑雪盈頭

其七

寶峯寺在紫巖頂知是蓬萊第一峯殿古栢蒼厓
瑟庭空花影月溶溶韶華付與閒身管樂事應教造
物供欲向江南問消息幾人遊賞繼吾蹤

題南峯郝太卿

長洲文徵明

襄邑名卿金玉相太行南下有書堂自家霧暗終難
隱依倚乾明信有光一壑風烟開秀色千年草木見
文章此身漫屬蒼生繫回首家山尚未忘

關王廟詩

劉龍

見說關王此日生旌旗如在九霄行英雄祇是多遺
恨造物由來忌盛名才大指揮應易定運移恢復竟

誰成年年蕭鼓荒祠下不盡人間萬古情

和韻

邑人趙洛

靈威凜凜儼如生何事尊崇祀典行對燭通霄昭大節辭金曠世仰清名志存一統天心厭功僅三分鼎足成自古英雄多不遂惟留忠義愜人情

題寶峯寺

郝良臣

不見珠林已十春中間情事幾沉淪星霜定歷龍池徧風雨應摧鴈塔頻豪興尚思登閣夜舊遊無復對花人於今白髮羈官守鄉國徒勞一愴神
小齋夜坐漫興

市猶能結草堂竹書還喜對琴床香屋忽動衣
座夜氣初清月在廊筆札稍停真閨寂琴尊不廢寶
踈狂憧憧萬慮俱飄瓦欲向顏淵問坐忘

西司夜坐書懷時監修志

殘暑謾傷終日倦清宵且借一枝安秋輪照滿雙階
靜曉角吹殘萬戶寒蕉鹿虛無須信夢塞駒得喪莫
求端獨慚霜髮徒乖暮報主何能盡寸丹

挽趙氏節婦詩

趙洛

卓哉趙氏人難比誓不偷生作未亡刎頸從夫扶教
化隨棺殉葬振綱常魂升碧落天增彩魄降黃泉地

有光野叟揮毫收汗簡名遺千載永流芳

挽史趙氏楊氏兩節婦詩

廬陵

伍介貞

史家姑婦古稱難勵志居霜淚未乾
粧匣沿華春共掩鷄窻燈火夜相看
寸心自誓天倫重兩世能全祀典完
勒石徵文應可待濡毫秋露爲書丹

其二

世德名家久不刊明時信史要傳觀
人生欲致千金易婦道相承二節難
音斷哀絃思別鶴影分清鏡惜離鸞
而今賴有賢孫子早晚雲霄振羽翰

挽髮自縊

五陽村李名

張止洋

探節搜奇照夜燈案頭披閱動哀矜情深掛樹身爲
劍義重牽絲髮作繩志耻二天悲日落心甘同穴恨
山崩從容慷慨誰堪比留待他年肅簡升

棲雲庵

姚大生

尋常窗下愛冲虛空似棲雲亦到於山勢四圍藏虎
豹地形一派隱龍魚風雲今日乘無際聲氣明年合
有餘莫怪山門多窄小幾人從此奮高車

棲雲庵

汪聖孫

千尺懸巖百尺蘿紅塵不到白雲多上人說法花爲
雨居士談禪舌似河壺內洞天長日月山中福地少

風波坐來自覺凡心靜試問猿啼意若何

成化寺

委婉青龍曲曲來化成古寺對峯開千巖競秀雲
出二水爭流波欲洞松下鹿眠閒白晝花間鳥語冷
蒼苔徘徊未盡披襟興落日將沉晚色催

八月杏花

李門生

海燕辭巢塞雁來杏花又伴桂花開一庭嫩葉吹東
柳滿樹新花如早梅款夢香侵風入幔酒色影泛月
當杯河陽著裏紅如錦一歲春光兩度回

虎邱風

趙石

馬塵埃不自由
遐心常願寄雲頭
迎人柳畔添
送客江邊渡
遠秋清韻催花開
裏落幽聲伴水靜
中流誰家澤岸行
吟者又逐笛音到故樓

虎祁宮

楊彬

宮殿傾頽不計秋
蕭蕭滿目盡蓬邱
徘徊故址今何在
想像繁華不久留
霸烈千年推晉業
雄風百代憶韓侯
往來憑吊思遺事
惟見漳江空自流

送李老夫子榮任平陽

邑人

李恒心

擊壤堯都舊有歌
新承雅化更如何
渠鳴官署終朝
樹符到深山虎度河
寇令借來應久住
郭君迎不

輕過遙知惠澤隨時溥汾水秋風增素波

早發太義口過石板坡

征鞭纔着曙星明日出東山却早晴野店寒烟隨霧
散高坡宿鳥傍花鳴路逢斷處橋來接山到窮時水
自生佇立高岡頻眺望問程幾許是高平

遊紫巖寺

邑人

崔育榮

古刹清幽步步深蒼松夾道影蕭森幽人說法蓮生
舌野客參宮佛即心怪石流泉環淨域香楓花雨
禪林坐來領畧閒中趣不受塵埃半點侵

五日遊小虎邱

昔人不自由暫將山向東
雨涼氣侵衣夏似秋
艾虎斜披綠野
清風滿泛
海國晚來一送憑高目望盡茫茫天際頭

寶峯寺

步劉文安公原韻

邑人

李 洺

石磴層層崛作基
烟霞百道繞辛夷
寺頭舊寺晴偏
好閣下清流雨更奇
樹點重巖成古
鶯啼寶刹咏
新詩恨子緣薄登臨晚矩步前賢理故絲

山光水色漾斜暉
莫怪遊人戴月歸
紫氣遙連函谷
合朱雲近接潞宮飛
一峯珍重疑懷玉
千仞憑臨欲
振衣何事樓觀滄海日得於精舍暫依違

紫巖高聳夾漳流川媚山輝上下浮寺邊波心隨動
靜村連水面閱春秋野花歷落含風細古柏蒼茫帶
雨稠踏遍山腰雲片片不登極頂不可頭

銅鞮懷古

邑人 張考功

烟淡風寒草色淒低徊無限古銅鞮離宮埋没人何
在點治荒涼迹已迷漠漠長途千載客蕭蕭孤館五
更雞有情獨羨垂楊柳日向漳涯送馬蹄

紫巖寺懷古

紫巖巖上起高樓巖下寒泉帶葉流名勝地形終不
改英豪人事竟難留感懷僅撫碑三尺千古事全

一抔惆悵溪涯頻眺望遠山岑寂野雲浮

銅鞮懷古

邑人 李恒升

漫過紫巖復轉西清秋晚眺駐銅鞮故宮寂寞寒烟
布廢縣淒涼落日低古驛馬嘶歌舞散長橋水咽霸
圖迷我來此地多懷古不把崔生事浪題

秋日登香巖寺塔

邑人 孔毓麟

香巖寶塔曉蒼蒼攜手登臨覽四方頂挿雲霄元氣
會地連澤潞翠烟長千村樹木含秋色萬壑山嵐映
日光縱目欲窮千里路無邊風景眼中藏

觀音洞

香香菩提何處尋仙堂山畔有觀音一溪漳水如古
海幾樹蒼松賽竹林古洞幽深懸石榻靈巖寂寞聽
鳴禽焚香莫愧塵汗久淨水長流可洗心

虎亭崔生遇虎事

崔生抱虎自前緣試問今人敢共眠古廟牆間留勝
蹟殘碑石上誌鴻篇徘徊斃井今何在髮髯妖形不
記年漫說世間無怪事尙留佳話至今傳

市橋懷古

邑人

趙宗郁

郭北橋邊野草香忠魂不記范中行清溪疊浪聲悲
切古岸遺碑字渺茫耿耿丹心驕白日稜稜浩氣

春和招舉回請衣三擊爲問迴車是否亡

漳江春渡

衡漳一出遠城東遠望長天掛彩虹柳色含烟排曉
綠桃花映水放春紅漁歌唱滿江心月牧笛吹來渡
口風安得輞川庄上客行行寫入畫圖中

韓山獨秀

韓山遠峙勢如龍應是襄垣第一峰草鎖巖阿多怪
石雲開峭壁現孤松明珠溢出清泉水雅韻飛來古
廟鐘穩步高岡遙極目羣巒拱秀似朝宗

仙堂舊隱

空林寂處結仙堂古寺清幽鎮太行佛座香垞雲爚
龕龍蟠石洞水汪洋丹臺昔有高人隱寶刹今留野
鶴翔覓伴遊來塵慮息苔茵共坐話羲皇

涼樓勝觀

高樓峻起近漳河避暑登臨逸興多水映珠簾光漱
灩雲流畫棟影婆娑環山爽氣收青眼入座清風透
素羅一派塵囂都撲盡凭欄暢飲醉顏酡

甘泉漱玉

石湧甘泉雪灑衣銀濤滾滾漾珠璣清音乍擬鳴仙
珮逸響還驚撫玉徽夜夜波搖明月影朝朝翠色

雲扉流香一派輕蘭麝絕勝廬山瀑布飛

獅山晚照

獅山畢竟是天成片石流傳萬古名勢壓貔貅安晉
地雄驅虎豹鎮襄城林間簫鼓如聲吼岫裡雲飛若
氣生試看斜陽西照處神威活現動人驚

寶峯晴雪

雪霽銅鞮景物重瑤華獨向紫巖鍾雲開佛殿鋪銀
瓦日映山橋臥玉龍忽訝疎林梅吐蕊爭看石壁月
留容蓬萊縱是神仙島未必清奇似寶峯

五ノ元

ノ夕

五

祥異志

從古禍福之至每形於事先而其幾必有所由起書
曰惠迪吉從逆凶影響之隨視乎人之所爲而已帝
王升降之候盛則祲祥迭見衰則災異屢形事有必
至卽理有固然不得謂吉凶之故無關修悖也故一
邑雖僻處方隅而災祥之見莫非政治得失之符因
並載之以備鑒戒云志祥異

神農時鳳凰巢於天冢岡

唐堯時五色雲現

漢五鳳中上黨大熟穀石至五錢大司農耿壽昌請罷

郡民稱便

晉泰始元年鳳凰見上黨

唐永嘉六年石勒生時原上草木皆有鐵騎之形人參
花葉茂盛有狀如人

貞觀三年獻嘉禾

景龍元年八月十四日夜月有重輪

二年九月黃龍見

三年正月縣北有古仙洞塞久忽開數十里雲氣湧
出三月元宗爲別駕渡襄漳有赤鯉騰躍水上涌空
作赤鯉賦

元貞二十一年進白鵲芝草嘉禾

明嘉靖二十年二月二十日學宮松樹滴甘露三日

二十五年六月六日漳水澄清三日

國朝康熙二十年禾雙穗

三十九年八月滿城杏花盛開

四十一年壬午邑城東池水面聚苔成龍形鱗甲宛

然是歲舉科

四十四年乙酉南池水面龍形見是歲亦舉科

四十五年丙戌一禾四穗

雍正二年大有秋

乾隆三十一年丙戌城隍廟古松開黃花三朶日照耀有金色

三十七年六月初旬漳水澄清三日

以上祥瑞

晉咸和三年石勒稱趙王時雹大如鷄卵平地三尺樹木摧折禾稼蕩然

宋建中靖國元年十二月地震彌旬壞城屋壓死人畜元至元十年蝗

十四年大風拔木偃禾

十九年蝗食稼草木俱盡民飢相食

至正五年十二月有火白天墜於東南人不爲害

十九年蝗食禾盡

大德六年地震

至大四年六月雨害稼

延祐三年地震

順帝至元十年蝗食禾

至元十四年七月甲子大風拔木偃禾

明嘉靖十二年十月十七日夜星隕如雨雲中有變

二十四年正月雙環套日

四十一年夏四月大雪殺桑民失蚕花果不實

萬歷元年秋太白晝見

五年冬十月朔彗星見指東北長數丈經兩月始息
八年九月地震冬彗星見月餘

十三年冬無雪

十四年春霾經旬五月方雨民始播百穀八月卽霜
歲大饑

三十五年三月二十九日有火星大如斗自東北流
西南光芒逼人

三十七年夏秋不雨無稼

四十五年五月彗星見其形如箕八月東南白氣冲
大一月方息

四十六年彗星見白氣長丈餘五十日始沒

天啟六年六月六日地震日中見斗

崇貞四年三月初四日白晝忽然黑暗

九年七月蝗食禾秋桃李復華

十一年大旱歲饑人相食

十四年二月初四日申時日光如血照耀俱成赤色

次日復然漳河竭

十五年元旦風霾晝晦道絕往來

十七年二月初九日大風四月霜秋大疫

國朝順治二年五月二十五日地震閏六月二十九日

又震

三年七月飛蝗蔽天九月二十九日地震

五年五月朔日食既

七年蝗食禾歲大飢六月冰雹

八年白蛾隄至細虫咬破豆莢

十一年四月旱至七月初八日方雨斗米銀五錢民
大飢

十二年旱八月雹

十三年日食既

十五年五月二十七日冰雹

十六年四月初四日冰雹傷稼

十七年天鼓响如雷起西北至東南

康熙二年七月冰雹禾稼俱傷

五年九月初九日天鼓响如雷十一月初七日大雨
七年十二月初四日微陰日見三耳

十三年彗星見於西方

十六年冰雹

十七年九月大雪豆禾俱凍

十八年九月地震

十九年大雨四十餘日房屋頽毀村堡多漂沒十一

月初一日自酉至戌白氣如雪其長竟天

二十二年十月初五日地震有聲初六初七不勝怖
震人心恐怖

二十九年七月白蛾生忽變黑虫盡食禾葉

三十年三月十四日雪五月十一日夜霜

三十一年正月初一日狂風大作黃昏始息二十二
日天雨泥窻屋紙壁照耀如金

三十四年七月初九日雨雹神頭等二十六村災

三十六年四月初六日地震七月十六日雨雹出家

庄等村災

三十八年閏七月初五日西川等村冰雹禾稼俱傷

四十五年正月十二日三環套日五月雹

五十八年正月初一日日食七分

六十年旱斗米銀四錢民大飢

雍正元年北關漳水溢

八年六月初一日日食九分

乾隆二年九月地震

七年五月初一日日食七分

九年四月彗星見西方經月餘

十年二月日三環

二十三年十二月初一日日食八分

二十四年三月旱七月始雨斗米錢四百文

三十五年七月二十八日夜東北方赤氣見

四十三年七月霜殺禾稼斗米銀四錢次年荒民食

樹皮

四十六年二月初三日天鼓鳴

以上災異

雜紀志

左傳之外有國語史記之後有漢書事有缺畧不妨
縷悉以明之志所未及而旁搜以廣其紀載亦此意
也部中或一事而前後互見詳畧區分要使博採而
不傷於誕庶不至貽譏於大雅耳志雜紀

上古神農嘗百草至百穀山得五穀

山在邑東南二十五里

周

定王十四年

戊辰

晉人執鄭伯於銅鞮

赧王五十三年

己亥

秦白起伐韓拔野王上黨守馮亭

以郡歸趙邑隨之屬趙

春秋晉築虎祁之宮有石言於魏榆晉侯問於師曠曰
石何故言對曰石不能言或譌焉不然民泄也
又聞之作事不時怨譌動於民則有非言之效而言
今宮室崇侈民力彫盡怨譌並作莫保其性石言不
亦宜乎

漢

漢王二年乙未以任敖爲上黨守上自將擊韓王信於
銅鞮

晉

永興元年癸亥劉琨以都尉張倚領上黨太守張曼

劉曜寇上黨劉琨遣將救之戰於襄垣敗績

祖逖牙門將童建遣使降石勒勒斬之送首於祖逖

曰天下之惡一也叛臣逃吏吾之深仇將軍之惡猶

吾惡也逖遣使報謝

南北朝

爾朱榮討葛榮獵於襄垣

時有雙兔起於馬前榮躍馬彎弓誓之曰中之則擒

葛榮雙兔應弦而殪果破葛榮立碑於其所號雙兔碑

爾朱兆追高歡至襄垣漳水漲兆輕渡與歡盟留歡

而去

初葛榮衆流入并肆者二十餘萬屢反叛誅之不能止爾朱兆患之間計於歡歡曰六鎮反殘

不可勝誅宜選心腹統之有犯者罪其帥將自戢兆卽以屬歡時兆醉歡恐醒後事變卽傳令部分

軍士往太原又以歲歉請就山東食兆從之路遇
爾朱榮妻鄉郡長公主自洛陽來馬三百匹盡奪
易之兆怒自追至襄垣水漲橋斷歡隔水拜曰借
馬倫山東盜耳願渡而受死兆輕渡與歡飲歡自
馬爲誓歡舍大王山六旬始
出滏口號令嚴肅兵勢遂盛

唐

崔韜崞縣人之任祥符過虎亭夜宿孤館似有虎敢
門韜驚潛避梁上虎入門脫皮置炕側變一美婦人
娉娉顧盼若有所待者久之睡熟韜下梁取皮投琉
璃井中婦醒失皮向韜啼索之韜佯不知也綢繆一
宿欲納爲妻店主入知其爲怪諫之不從抵任生二
子秩滿後仍携過虎亭談及往事婦問皮安在韜笑

汲井得皮牛朽婦大笑披之復成虎咆嘯而去

武德元年戊寅置韓州以太守爲刺史

大順元年庚戌李克用圖河朔昭義節度使李克恭還

精兵五百遣侯霸送晉陽至銅鞮霸與牙將康君愛

聚反攻克恭自焚死霸叛附朱全忠全忠遣將城

李克用遣康君立李存孝將兵圍之

侯元銅鞮人貧寡負薪愁苦而嘆忽石壁開一髮引

入投以隱書萬言皆變化隱顯之術戒之曰女分合

於至道進身然宿障未除面有晦色宜謹密自固不

必敗欲見我叩石卽應元歸習其術期月而後能變

形役鬼草木土石皆能爲兵乃集里中少年爲甲卒
陳兵出入自稱賢聖州師高討之元在陣變戒
其自守勿出戰元不聽狃於一勝酒酣被擒繫於獄
醒卽脫去惟遺一檠在枷孔中復叩石叟叟怒曰庸
奴終違吾教雖幸免斧鑕行且死矣遂與之絕其術
漸敗猶率其徒掠太谷并騎至斬於陣

杜思明銅鞮人常有心病念金剛經卽愈每至持經
之日必見神光

後周

廣順元年

辛亥

王彥昇破北漢兵於唐州斬其帥王璋

潞州巡檢陳思讓敗北漢兵於虎亭

金

縣令韓俊築甘水南城以保民

金初隨在兵起民被劫掠無所避俊能將

拒却之襄民歸依者城不能容乃築外城且戰且築城成民有所恃盜賊漸息

明

成化八年有大蛛自綿山爲大雷所驅至東周村曹家墳天日晦冥風雨大作墳木盡拔須臾有火一塊如碗大自西南飛大霹靂一聲其物擊碎明日視之皮肉滿川可載十餘車其乾皮可貼瘡

嘉靖三十一年

壬子強賊十七人北來殺縣丞陸倫僉

縣民十七人主簿郭東陽督邑人盡數殺之

崇正十七年

甲申

闖賊李自成僭逆偽官趙浩票至不

入官署居民宅嚴刑比捐賈宦某代父受刑死而復
甦未幾天下同日殺偽官無算趙浩潛逃我

大清定鼎爲

國朝順治元年闔邑士民咸慶更生矣六年賊沈烈許
守信等詐稱姜襄兵據潞掠襄邑訓導王奕葉抗節
不屈死之知縣佟學詩先後盡節詳職官志

康熙四十三年知縣袁良因西門城基在甘水之涯易
圯因購庠生李克皇地六畝挑濬河道東流西城水

無水患

乾隆四十三年閏六月十六日有雷霹靂火光閃爍白
城東南起至西河底甘羅廟將殿柱擊裂門壁有龍
爪形人不爲害

陰山考辯

徐 旺

襄垣舊志五陰山註魏孝文帝至此陰暗五日慕容
赤土剖心祭之天日復明云云彼固以爲傳聞耳然
地名與人事穿鑿是不可以不辯夫陰山始見於史
記北據河爲塞並陰山至遼東正義曰陰山在朔州
北塞外從河傍陰山至遼東築長城爲北界後漢書

陰山在五原郡虞氏記趙武侯自五原河曲築

東至陰山

漢分秦九原郡曰五原曰朔方屬并州
史部五原今鄂爾多斯故豐州是其地

歸化城

史書所載代有明徵以今地理求之歸化城西

北翁公山一帶綿亘五百餘里土名雖不一皆陰山也謹按

國朝一統志襄爲五音山地形志鄉郡襄垣有五音山

神祠山西通志亦註五陰山實五音山然則非史書

之所謂陰山亦明矣或曰魏屢幸陰山具載北史彼

未明指其處安知非襄之五陰山乎曰此正所以傳

會也魏太武皇帝太平真君六年一幸上谷

於涿氏今高平九年再幸土黨記於壺關東北六王山

累石爲三封其間書陰山不一而足遂連類而傳會

之豈知魏起北荒遷盛樂今歸化城徙平城今大同府孝文太

和十七年始遷都洛陽當其末內徙時昭成因苻堅

之寇率國人避於陰山之北保世滋大嗣文成八幸

陰山獻文生於陰山而孝文亦三幸之蓋不忘肇基

所自亦猶元主數如上都耳以此爲襄之五陰山可

乎或曰如子言旣非陰山何以有魏孝文廟又有墓

容將軍墓曰此固有說彭城王勰孝文庶弟也從幸

代次於上黨之銅鞮山路傍有大松十數株孝文命

魏賦詩曰吾作詩雖不七步亦不言遠汝可作之
去帝十步未至帝所而就詩曰問松林松林幾經久
山川何如昔風雲與古同帝大笑由是觀之孝文之
駐蹕銅鞮實有其事襄人廟祀之宜也若因此而
慕容將軍墓則有不得不辯者按慕容白曜當獻文
時封土黨公進爵濟南王以誣見誅然未嘗仕孝文
之朝也其從子契太和間賜爵定陶男若以上黨公
而有墓則當爲白曜以扈從孝文而有墓則當爲契
乃襄垣有墓屯留亦有墓皆曰慕容赤土頌一則註
孝文一則註隋就金吾噫何其謬耶不惟北史並無

其人隋書亦杳無可考而長子志云赤土慕容永之後不知何所據而云然也宜通志駁之以爲諸說多傳會也且剖心至於格天此何如事較之絕肸剖腹更爲奇烈史書不載其誣可知或又曰赤土剖心之說旣誣則宜削之胡爲並存之曰此則所以傳疑也傳信傳疑春秋義例削之且益以滋疑存之乃所以徵信某未敢沿謬承訛姑舉臆說附於卷末以俟博雅君子折衷焉

崔生遇虎說

邑人 孫繼曾

崔生遇虎事載縣志由來久矣訪其軼事土人猶能

道之其荒碑故址粉壁遺形誠有令人難解者而余獨謂其事雖傳其說不可附會也學者讀書稽古求其可信者而已想其時必有虎患崔生因除之以利行人理或然也若如土人言崔生配虎婦生狼哥產虎姐之官後仍衣皮化虎而去其說不經甚矣吾聞之狐百歲化爲美女或爲丈夫是獸之能化人者惟孤然也虎則安能故有牛化虎者矣淮南子曰牛哀病七日而化是也有人化虎者矣述異記所稱封鄆風俗通所稱李耳是也然卒未聞有化人而仍化虎者今也忽而虎忽而女忽而爲人女忽而生異有女

且又返而爲虎當其視耽耽欲逐逐不至於噬人不
止胡爲作狐媚之態耶抑狐假虎威耶此理之不可
信者也然謂此事之必無則又有難焉者博物志曰
江陵有猛人化爲虎又云虎化爲人此又何說當其
爲虎也不知其嘗爲人也嘗其爲人也不知其將爲
虎也崔生之事與宋高僧傳所載始同而終異其詞
曰釋志淵見狐變女子有郎欲與偕去謂之曰此狐
也不信振錫作梵語女遂化狐而走由此觀之理之
所必無亦或事之所嘗有也惜崔生未遇高人以指
其迷耳然則此事畢竟真耶妄耶曰吾以不解解之

即以無說說之

八卷終



